

الرشاد

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ — ۹

۱۶ محرم ۱۳۳۱ پنجشنبه ۱۳ کانون اول ۱۳۲۸

عدد ۴۲ — ۲۲۴

اخلاق اسلامیہ نیک اساسی

— ۱ —

مدنیت غریبہ نیک الیوم حائر اولادینی موقع حاکمیت آوروپا اقوامنی بوخا کدائک هر نقطه سنده اقوام سائرہ ایله ضروری برتماس دائمیدہ بولوندور مقده اولدیغندن بین الملل تعارف احتیاجی کوندن کونه کسب شدت ایتکده در. شرقی لک آوروپالیلری، آوروپالیلرک شرقی لری کرکی کبی طانیاسی خصوصنک حیات اقوامک الک مبرم لوازمندن عد ایدیلہ جک دورہ چوقدن بری حلول ایتشددر. آوروپالی اولمایان اقوام ایچندہ مسلمان نامی آلتدہ مجتمع و بحر محیط کبر ایله بحر محیط اطلسی آرہ سنده یکپارہ بر وجود کبی متمکن و یوزلرجه ملیون رادہ سنده برکتہ عظیمہ اقوام وارد رکہ السنہ والوانی و صرف محلی اولان بعض اهمیتسنز اعتیاداتلری اعتباریلہ یکدیگرندن آیری اسمرلہ یاد اولمقلہ برابر ینہ دین و آیین و ینہ دینلرندن مقتبس - اطوار و عادات نقطہ نظرندن ینلرندہ یک صیقی و عمومی بر رابطہ موجوددر. بوکتہ عظیمہ بشرک الک بویوک قسمی آوروپا مستعمر - لرینک زیر اداره حاکمانہ سنده بولوندقلری جهتلہ بواقوامک - دینلری قدر - اخلاق و عاداتلرینک مبتنی اولدینی اساسلری بیلمک، اوکرنمک ینہ اومستعمرلرک منافی اقتضاسنددر.

واقعا بر عصری متجاوز زماندن بریدر برطرفدن مستشرقلرک خزان آثار اسلامیہ ایچندن اقتباس نفائسلہ اوغراشماسی، دیگر طرفدن مستعمرلرک کرک تجارت و کرک اداره مملکت کبی وسائل ایله ملل محکومه صرہ سنہ کچمش اقوام ایله حال تماسدہ بولونماسی، بر طرفندن آوروپا و آمریکا خارچندہ نشر انجیلہ چالیشان دعا دینک تدقیقات غیر تکشانه سی شرق ایله غرب آراسندہ طوملاز ظن اولونان اوچورومی ایجه طولدیر مشدر.

بوعصر اخیر نور و معرفت یورولمق بیلمین مجاهدین علم و حقیقتی سایه سنده امر تعارفده اعصار سابقہ فی فرسخ فرسخ کچمش اولدیغندن و قبیله «سارازنلر» له «ترکار» حقندہ تداول ایدن عجیب و غریب روایات بی معادن اثر قلمامشدر دیبه بیلیرز. آوروپالیلرجه مسلمانلرک مشرک، خصائص انسانیه دن محروم، تخریب بلاد و تعذیب عباد ایله مسخر بلای آسمانی دیبه تاقی ایدلرکری زماندن [۱] له الحمد پک اوزاق بولونیورز. افکارده کی بوتحول عظیمک سینی هرشیدن اول فکر علمینک، فکر تنقیدک بالجله معلومات بشریه ساری بر حاله کله سنده، هیچ بر حقیقتی دلیلسز تصدیق ایتک شانندن اولمایان مناهج علمیه نیک صنوف متفکرینک کافسی بیننده انتشار ایله مش بولونماسندہ آراملیدر. بز مسلمانلر عشق حقیقتله سراپا مشبوع اولان بومساعی جلیله نیک ندرجه منتدار و شکر کذار ایسه ک، آتی انسانیت حقندہ قلملرمن

[۱] «هانری دو فاستری» نک «اسلام» نامندہ کی اثرینہ باقلسون.

طوپراقلرہ سربلیور؛ بروطن ناصل اولیورده آیاقلر آلتدہ قالیور؛ بونی کوریکز، آکلاییکز؛ حالامی دو یغوسزلق؛ حالامی کورکو - سزک؛ ایتیکز؛ سوکره، شوباشمزدہ کی فلاکت یوقی، ایشته اوندن بدترینہ، هم الله کوسترمسن، بیک قات بدترینہ معروض قاله جغز؛ اوزمان، حیات ملدن اثر قلمایه جق؛ اوزمان ناموس اسلام بوسبوتون محو اوله جق؛ اوزمان حر مسرای توحیدی الک مردار آیاقلر چیکنه یه - جک؛ اوزمان، شریعتک اومعصوم ناصیه سی کفرک ملوث ایله یرلرده سور وکلنه جک!

هایدی بز، دو یغوسز مخلوقلر، بوذلتلرک، بوذالتلرک هیدنه قاتلانہ لم؛ «اوج بوجوق کونلک حیاتک نه دکری وار!» دیه کندیمزه تسلی ویرمده جماداتک بیله دایانه مایه جفی خیتلر، خسرانلر ایچندہ کبروب کیدلم؛ لیکن چوجوقلریمزی، طورونلریمزی دوشونیمه جکمی بز؛ هر حلقه سی بر بطندن تشکل ایدہ جک اوجانلی سلسله سفالتک قیامته قدر لمنتنه هدف اولمایه ده قاتلانہ جقمی بز؛

هایدی بوکاده آلدیرمیه لم، بوکاده قاتلانہ لم! هیات! شو «اوج کونلک!» حیاتک آرقه سنده یتیمز توکنمز بر حیات وارک بوکیدیشله او، بزم ایچون نامتاهی بردورہ عذابدن باشقه برشی اولمایه جق! عجب! اوراده نه یاپه جغز؟ دنیا ده ایکن حیات شریعتی، ناموس ماتی بیله بیله هدر ایدن بز سفیلر حضور الهی یه هانکی یوزیمرله چیقہ جغز؟ ای جماعت مسلمین، کورویورسکیز که طوره جق زمان دکل: چونکه زمان طور میور! هایدی باقلم، خسران میندن قورتوله رق یاشامق، اسلامی ده یاشامق ایسته یورسه کز طور ماییکز: استجیوا لله وللرسول اذا دعاکم لما یحییکم...

محمد عاکف

فلسفہ

سبیل الرشاد

«تربیة اخلاقیه» عنوانیلہ بوندن دورت سنہ اول انعقاد ایدن بین الملل قونفره، بوسنه آغستوسده ایکنجی دفعه اولارق لاهیده انعقاد ایتدی. ایلاک مجمع علمیده اثبات وجود ایتهمش بولونان حکومت عثمانیه نیک بودفعه اولسون مرخص کوندرمه سی وشرقدہ تربیة اخلاقیه نیک استناد ایتدیکی اساسلری مبین بر راپورکده مرخصلرہ تودیع ایدلسی رسماً رجا اولوندی. بوطلب رسمیده شرق تربیه سی حقندہ کی معلوماتک وقتیلہ قورغولی بر یونانی طرفندن یازلمش مختصر بر اثره منحصر اولدینی ده تصریح ایدلشدی. معارف نظارتی بودعوتہ اجابت ایدہ جکنی بیله یردی. ومطلوب اولان راپورک احضارینی فقیر حواله ایتدی. راپورک بر درجه یه قدر احضارینه طرفدن ایتام ایدلدی ایسه ده قونفره نیک ایام انعقادینه قریب بر زمانده قاپینه نیک تبدیلی اثرک کمالی ده، طرف حکومتدن مرخص اعزامی مسئله سنی ده عقیم براقدی.

آوروپالیلرہ اوقوتق ملاحظه سیله قلمه آلمان بومسودات ناتمامک مطالعه سندن بعض اخوان دینکده مستفید اولایله جکی مأمول اولدیغندن بونلری عیناً (سبیل الرشاد) ک سینہ حفظ و حراستنه تودیع ایدیورم. قارئین کرامک ذوقنه او یغون دوشرسه مابعدینی ده اکاله ان شاء الله الرحمن وسیله اولور.

احمد نعیم